



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

caput VI.

urn:nbn:de:hbz:466:1-29452

Iacensa super carbones deuotionis, fragrat in con- Psal. 14;
spectu Dei. Ideo Dauid orat: Dirigatur Domine ora-
tio mea sicut incensum in conspectu tuo, id est, pla-
ceat sicut redolentia boni odoris &c. item oratio est
quasi scutum diuinæ indignationi obijciendum. Si-
cut enim scutum prohibet ictum sagittæ, ita oratio
nos seruat à vindicta Dei atque ira. Sapi. 18. dicitur de
Aarone, quod proferēs scutum orationis, restitit iræ
diuinæ. Tertiō, Oratio est quasi tributum Dei, eius
damnationi offerendum. Matth. 22. Date Deo quæ
Dei sunt, & Cæsari quæ Cæsar is sunt. hunc enim à
nobis exigit Deus, quia Dominus noster est, &c.

CAPVT VI.

ARGUMENTA:

1. *Quid sit ieunium Christianum.*
2. *Vnde fiat quod certis diebus ieunamus, & à quibusdam cibis abstinemus.*
3. *Quomodo ieunio nobis Deum placamus.*

Primò, ieuniū Christianum, est mode- I.
ratus ciborum & potuum usus, omni
tempore durans ad laudem & gloriam
Dei. Luc. 21. Attendite ne corda vestra
grauentur crapula &c. Deindè est ieui-
num spirituale, & illud est abstinentia à malis cogi-
tationibus & ira cordis, à maledictione, cōuicijs, im-
munditia sermonis, falsis testimonijis &c. Et abstinen-
tia à luxuria, à superbia, ab accedia, inuidia, &c. &
hoc ieunium spirituale maius est, quam externum:
minus est enim peccatum, comedere carnes in feria
sexta, quam fornicari aut maledicere, sicut dicit E-
faias 58. Ecce in die ieunij vestri inuenitur voluntas
vestra praua, & ad lites & contentiones ieunatis,
&c. Porro est ieunium Ecclesiasticum, quod
certis

certis diebus & caussis est institutum ad humiliacionem coram Deo & disciplinam corporis. Sic regina Hester ieunat tribus diebus & noctibus, & liberatur cum populo, capit. 4. Sic ieunarunt Ninuitae, Ioan. 3. Sic Iudith, 4. & 8. Sic ob speciales causas & tribulationes sæpè leguntur sancti ieunasse: nam hoc Deus sic iubet per prophetam Ioe. cap. 2. Conuertimini ad me in toto corde vestro, in ieunio & fletu & planctu, & scindite corda vestra, scilicet à prauis vitijs & cogitationibus separate, & non scindite vestimenta vestra, &cet. Secundò ieunamus in vigilijs sanctorum Apostolorum, & festiuitatum Christi, ac beatæ virginis propter vigilias, quæ cōmutatae sunt in ieunia: olim enim ex eo quia Christus in media nocte natus est, & quia Christus increpauit discipulos, quod non una hora cum ipso vigilarent, Matth. 26. & propheta Psal. 118. confitetur se media nocte surrexisse &c. solebat populus pernoctare in templis ad sepulcra Martyrum, idque ea nocte quæ precederet festiuitatem, sacrosque cantabat hymnos & psalmos. Sed quoniam Sathan regnare coepit, & carnalitas in populo creuit, ita ut & matronæ corrumperentur, & aliæ levitates fierent: deinde quia etiam Vigilantius haereticus inuehebatur contra huiusmodi vigilias, ideo vim sum est Patribus mutare illas in ieunia. Vnde adhuc in Sanctorum vigilijs ieunamus. Insuper quoniam Ioan. Baptista commendatur à Deo ob vilitatem ciborum Matt. 3. quod ventrem exaturauit non elixatis & assatis carnibus, sed melle sylvestri & locustis, vinum & siceram non bibit: Et tres pueri nolebant cibo regio exaturari, sed leguminibus, Daniel. 1. & erant Deo accepti. Sic multi sancti olera tantum & radices manducabant &cet. ideo ut minor esset occasio ad peccatum, patres lautiora cibaria prohibuerunt his qui sani erant: quosdam autem necessitas & infirmitas excusabat, & sic ex deuotione & bono ordine à patribus

tribus sancitum est: sic ieiunia quatuor temporū anni, item quadragesimæ, & Aduentus Domini ordinantur: & negari nō potest quin hæc abstinentia placeat Deo, sicut patet in Ioanne Baptista & tribus pueris: sed nostris his temporibus regnat ille fraudeus! qui decepit primos parentes in Paradiso. At inquiunt Carnales Euangelici Matth. 15. Quod intrat in os, non coinquiat hominē, & cibus nos nō commendat Deo, Roman. 14. est enim omnis creatura sanctificata. Respond. Nemo catholicorum dicit cibum esse malum, est enim bona Dei creatura, nec pomum fecit peccatum in Adām & Eūa, sed contemptus diuinī præcepti: nam ex corde exeunt mali cogitatus, qui coinquian̄t hominem, cibus non prohibetur ut malus, sed abstinentia illius ad certum tempus, ad laudem Dei & castigationem corporis præcipitur. Si Hester potuit iniugere toti populo ieiunium per tres dies, & rex Niniuæ populo & iuuētuti, cur hoc idem non posset tota Ecclesia? Humiliatio mētis hīc queritur, non cibi simpliciter prohibitio. sciebat Ioann. Baptista in cibis nullum esse peccatum, Matt. tertio. abstinuit autem à lautioribus, & vilia gustauit. Sciebat Timotheus quòd non esset peccatum, vinum bibere: abstinuit tamen, aut saltem modicè gustauit, ob crebras stomachi infirmitates: abstinuit & Daniel & pueri à cibo regio, et si sciebant eum non malum esse: abstinuerunt Rechabitę à vino, quod tamen sciebant Hier. 35. non esse malam creaturam &cæt. Sic vbiique scriptura commemorat & laudat huiusmodi abstinentiam & obedientiam, quòd Deo placeat. Est quoque ieiunium subtractio superfluitatis, sicut ollæ subtrahuntur ligna ne supereffluat: sic est abstinentia. Est quoque ieiunium hypocriticum, quod fit propter homines Matth. sexto. Cūm ieiunatis &c. & quandō parcē viuitur ob auaritiam. Ecclesiast. sexto. Vir cui dedit Deus substantiam &cæt. Est quoque laudabile LL ieiunium;

Dan. i.

ieiunium, quod fit ad laudem Dei in abscondito, Mat. sexto, & hoc Deo placet & habet suam promissionem. Vulgo dicitur, fames expellit lupum ex nemore: ita abstinentia & ieiunium fugant diabolum ab homine, Marc. 9. Hoc genus dæmoniorum non ejicitur, nisi in oratione & ieiunio. Sed totum ieiunium dicitur, quando non una parte (scilicet abstinentia tantum cibariorum) ieiunamus, sed quando etiam totum corpus nostrum retinemus & abstrahimus à voluptate carnis, & cor nostrum à prauis desiderijs &c. Tale ieiunium, quod cum externo est coiunctum, exigit Christus. Postremò negari non potest, quod verū ieiunium sèpè placauit Deū, vt non fuerit secuta pena aliqua vel tribulatio: non quod ieiuniū nostrum possit satisfacere pro culpa & poena eterna: hoc enim solū transfertur in Christū. Esai. 53. In eo posuit pater iniquitatē omnium nostrū. Sed de poena temporaria, quam Deus sèpè imponit propter peccata hic in presenti vita. Sic placārunt iram Dei filij Israel congregati in Masphat, 1. Reg. 17. admonente Samuele ieiunarunt, &c. & percusserunt Philistinos atq; vicerunt. Sic rex Achab impetravit veniam, quando ieiunauit, & ambulauit demissō capite, dormiuitq; in sacco, cū audiret terribilem Heliæ prophetæ cōminationem, 3. Reg. 21. Sic Ninivitæ placant Deum, ne poenā illis immittat. Ideo & Christus ieiunauit & triumphauit, ieiunauit & Moyses cū esset locuturus Domino. Vnde Apostolus admonet 2. Corint. 6. Exhibeamus nos sicut Dei ministros in ieiunijs & vigilijs multis &c. In omni ergo pressura veteres, quod mitigarent flagellum Dei, atq; hostes suos superarent, confugerunt ad orationem, ieiunium, eleemosynā, eo quod hæc tria omnia alia bona opera in se comprehendunt, & Tob. 12. dicit: Bona est oratio cum ieiunio & eleemosyna, magis quam thesaurizare aurum: & tunc quodlibet horum operum efficax est, quando hæc tria sunt conjuncta,

ñcta, & quoties patres dixerunt, orationem, ieiunium & eleemosynam satisfacere pro peccatis, intellexerunt pro pena peccatorum, id est, mitigatione calamitatum, quas quotidie meremur propter nostra vitia, &cæt.

CAPUT VII.

ARGUMENTA.

1. *De peccato superbiæ, & quid sit.*
2. *Quædamna adferat homini superbia.*
3. *Quantum punitur à Deo, & semper punita est.*



Vgustinus libro 2. cōtra Manichæum inquit: Supbia est præsumptio, quaquis foris vult videri, quod intus non est in secreto conscientię: id est, superbus vult videri iustus, sapiēs, doctus, religiosus, potens, &c. attamen non est in conscientia, ideo superbia est peruersus celsitudinis appetitus. hanc prohibet Apostolus ad Rom. 12. Non alta sapientes, sed humilibus consentientes. Hęc superbia mater & principium omnis peccati dicitur Eccle. 10. & qui tenuerit eam, implebitur maledictis, i. vitijs. Consistit autem superbia & notatur in mente, ore & opere: mente, quando quis neminem sibi parem aut similem reputat: inuidet præstatiōribus, quia illis nō æquatur: inferioribus inuidet, ne ei æquentur: paribus, quia ei æquātur. Sed inquit Deus: Memento homo quia ciascū es & puluis, & in terrā reuerteris, Gen. 3. Chryso. in Matt. hom. 78. Proficiscamur ad sepulcra: ubi purpura? ubi pecunia, vehiculū, stipulatio satellitum &c? nihil hic nisi ossa &c. Secundō in verbis, qbus notatur superbia. 1. Cor. 13. Si linguis loquar angelorū, & charitatem non habuero &c. charitas nō est superba &cæt. Tob. 4. Superbiā nunquam in verbo tuo

L. 2 aut